

SUMMARY

Criticizing three possible definitions of interpretation as “appropriation” in romantic hermeneutics and later in W. Dilthey’s conception, P. Ricoeur suggests a new understanding – by reader’s self-negation (the negation of the pseudo-Ego) receiving a genuinely spiritual human identity from the cultural texts, which have double-sense structure – literal and allegoric. By such conception of interpretation P. Ricoeur intends to liberate the hermeneutics from the definition of its being in the subjective twofold dependence – from the author and from the reader, by this way realizing hermeneutics as a genuine scientific subject in its more developed mode.

Key words: hermeneutics, interpretation, appropriation, spiritual closeness, interpretation, self-denial, criticism, absorption

**ԽԱՉԱՏՈՒՐ ԷՐԶՐՈՒՄԵՑՈՒ ԿՅԱՆՔ ԵՎ
ՍՏԵՂԾԱԳՈՐԾԱԿԱՆ ԳՈՐԾՈՒՆԵՈՒԹՅՈՒՆԸ**

**Ներսեն Քոչարյան
Խ. Արովյանի անվան ՀՊԱՀ-ի
ասպիրանտ**

Խաչատուր Վարդապետ Էրզրումեցի Առաքելյանը ծնվել է 1666թ. կրթում քաղաքում: Ուսանության նպատակով 16ու. հասակում երիտասարդ Խաչատուրը մեկնում է Եջմիածին, որտեղ հանդիպում է կաթոլիկ Վարդապետ Վարդան Հովնանյանին: Վերջինս նշանակալի դերակատարում է ունեցել Լեհաստանի հայկական համայնքի կաթոլիկացման գործում: Մկրթական շրջանում այս վարդապետը եալիսկոպոսի օգնականն էր, որը գնաց Լեհաստան այն ժամանակ, երբ հայերին բռնությամբ ստիպում էին կաթոլիկություն ընդունել: Հովնանյանը համարելով, որ նոր ստեղծվող կաթոլիկ համայնքում ինքը կարող է առաջնային, իշխող դիրք գրավել, թողնում է եալիսկոպոսին մոտ իր հոգիոր ծառայությունը և դավանակիությունը: Այստեղ նա ծանրանում է Կումես Գալանտոսի հետ և դատնում նրա աշակերտը: Վերջինս օգնությամբ Հովնանյանը մեկնում է Հռոմ, որտեղ կաթոլիկական կրթություն է ստանում «Պրոպագանդայի» դպրոցում: Ուսումն ավարտելուց հետո նա

պատրաստվում էր Անհատանի հայկական համայնքի առաջնորդ Նիկոլ արքեպիսկոպոսի մահից հետո ստանձնել հոգևոր առաջնորդի դերը: Մինչ եպիսկոպոսի մահը Հունանյանը մեկնում է Հայաստան իրեն հետևողներ գտնելու նպատակով: Այստեղ է, որ 1682թ. նա ծանրանում է պատանի Խաչատորի հետ: Վերջինս, համաձայնելով Հունանյանի առաջարկին, գնում է Հոռմ, որտեղ ուսանելով Պրոպագանդայի դպրոցում, դառնում է կաթոլիկ քահանա¹: Խաչատորը էրզրումեցին ունեցել է բեղուն ստեղծագործական լյանք, գրելով քաղմարիկ երկեր:

Խաչատոր Էրզրումեցի (Էրզրումեցի) Սուաքեյանի գրչին պատկանող հայտնի երկերն են՝

- Համառոտական Իմաստափրութիւն, հ. 1-2, Վենետիկ, 1711,
- Կարճահամառօտ Բարոյական Աստուածաբանութիւն, Վենետիկ, 1709,
- Լիակատար Աստուածաբանութիւն, հ 1-2, Վենետիկ, 1734,
- Ներառումն առ քրիստոնեական կատարելութիւն, Վենետիկ, 1733,
- Կարճառոտագունեղ համառոտութիւն ընդհանրականի աստուածաբանութեան, Վենետիկ, 1736,-
- Գիրք Քերականութեան, Լիվոռն (Յալուկոնայ), 1669,
- Քարոզգիրք, Վենետիկ, 1710,
- Ճարտասանութիւն, Վենետիկ, 1713,
- Համառօտ մեկնութիւն երգ-երգոցն Սողոմոնի, Կոստանդնուպոլիս, 1700-1701:

Խաչատոր Էրզրումեցին, որպես արդեն նորօծյալ վարդապետ, իր հետագա քահանայագործությունն ու կրթական գործունեությունը սկզբնական շրջանում ծավալում է Կոստանդնուպոլսում, որտեղ տեղի ծխական դպրոցում երեխաներին դասավանդում է քերականություն և կրթական իր գործունեության հետ մեկտեղ նաև քարոզում եկեղեցում: Ուսուցական իր գործունեության ընթացքում, ծանոթանալով հայոց լեզվի դասավանդման խնդիրներին, սկսում է գրել իր առաջին գիտական աշխատությունը «Քերականութիւն» խորագրով: Այս աշխատությունը հրատարակելու համար 1696թ. նա մեկնում է Իտալիա Լիվոռն, որտեղ և նոր բացված հայկական տպարանում հրատարակում այն: Կարելի է ասել, որ այս աշխատությունը Էրզրումեցու առաջին քայլն էր իր նպատակի իրագործման ճանապարհին:

¹Տե՛ս և Լին, Երկերի ժողովածու, Եր., 1973, հ. 3, գ. 2, էջ 478:

«Քերականութիւն» երկի ներածությունում նա ընթերցողին ներկայացնում է իր նպատակների ու ապագա գիտական աշխատությունների ծրագրերի մասին. «Ի վաղուց շանայի ի գործ ածել զգեստ իմ, վասն եղբարց, վասն աշխատիլին համոյ է ինձ, և շահ... Եւ դիտավորութիւն իմաստանօր է՝ ընձեռել մերայնոյ զամենայն զազատական արհեստու, և զամենայն գիտութիւնս, սկսանելով ի քերականութենէ, և վերջացնելով ի յաստվածքանութեան: Նախ ուրեմն ճառելի է զքերականութը, և ապա հուետորական արհեստէ, և յետոյ գրանաստեղծութենէ, յետայնորիկ զիկլիսովկայութենէ, և ի վերջն գրոյք աստվածքանութեն է»² (ընդգծումը՝ Ն.Ք.): Այս ամենից հետո Խ.Էրզրումեցին ավելացնում է, որ չի սիրում երկարացնել ու դժվարացնել խոսքը, զգուշանում է ավելորդաբանությունից և ցանկանում է ճշմարտությունը բացահայտել բոլորին. «Զի ճշմարտութիւն ամենեցուն բացցի» (ընդգծումը՝ Ն.Ք.): Առաջ անցնելով՝ կարելի է ամրագրել, որ Էրզրումեցին իրոք իրագործել է այն ամենը, ինչի մասին գրում էր իր «Քերականութիւն» գրքի ներածության մեջ: Այս ամենից հետո Խոտալիայից Խ.Էրզրումեցին վերադառնում է Կոստանդնուպոլիս և շարունակում իր գործունեությունը: 17-րդ դարի վերջում Խաչատուր Վարդապետը Կոստանդնուպոլսում արդեն մեծ համբավ էր վայելում և նրան անվանում էին «զիտական վարդապետ»:

1698թ. Կոստանդնուպոլիս է գալիս երիտասարդ Սիմիթար Սեբաստացին, որն արդեն նպատակ ուներ ստեղծելու միաբանություն: Լսելով Խաչատուր Վարդապետի մասին՝ Սեբաստացին որոշում է դիմել գիտական վարդապետի օգնությանը՝ ստեղծելու միաբանությունը: Այս առաջարկին Խաչատուր Էրզրումեցին պատասխանում է. «Արանձելի մուածութիւն մէ այդ, բայց դժուարին և անիրազործելի՝ անհամար դժուարութեանց պատճառավ, որոնց պիտի բախւէր առաջին իսկ քայլէն. և այդ դժուարութեանց մէծագոյնն էր պակասութիւն դրամի, որ անիրամեշտ պայման մէր գործին հաջողութեան» (ընդգծումը՝ Ն.Ք.): Մ.Սեբաստացին նույնիսկ առաջարկում է, որ միաբանության ղեկավարումը ստանձնի գիտական վարդապետը, սակայն վերջինս իր որոշման մեջ մնում է անփոփոխ: 1700-1701թթ. Կ. Պոլսում Սիմիթար Սեբաստացին տպագրության է հանձնում Խաչատուր Վարդապետի գրած «Համառու

²Տե՛ս՝ Խաչատուր Էրզրումեցի, Քերականութիւն, Լիվոնն (Յալոկոնայ), 1669, էջ 7-8:

³Տե՛ս՝ Խոտալիա:

⁴Տե՛ս՝ Թորոսյան Հ., Սիմիթար արքայի վարքը, Վենետիկ, 1901, էջ 119:

մեկնութիւն երգ-երգոցն Սողոմոնի» աշխատությունը⁵: Խ. Էրզրումեցին Կ. Պոլսի Եկեղեցիներում քարոզների ժամանակ որոշում է կազմել մի աշխատություն, որի հիման վրա քահանաները և վարդապետները պեսք է հավատացյալներին կարդային քարոզներ: Այդ երկհատոր աշխատությունը նա տպագրության է հանձնում 1710թ. Վենետիկի տպարանում «Քարոզգիրք» անունով: Աշխատության դիտավորությունն այն էր, որ քահանաներն ու վարդապետները ուսանեին հռեստորական արվեստը և իմանային, թե ինչ է պեսք քարոզել հավատացյալներին եկեղեցական տոնների ժամանակ: Գրքի տպագրությունից հետո նա մտում է Բուալիայում և շարունակում գիտական գործունեությունը: Մեկ տարի անց՝ 1711թ. Վենետիկում տպագրվում է նրա հանրագիտական բնույթի աշխատությունը՝ «Բովանդակութիւն ամենայն ուսմանց» վերնագրով: Այս խորագիրը բացատրելու համար հեղինակը տալիս է նաև երկրորդ անվանումը «Համառօտական իմաստասիրութիւն», յորում պարունակին, որը հետևին, այսինքն, արուեստք, քերթողութիւն, ճարտասանութիւն, բանաստեղծութիւն, և տրամարանութիւն, բնականարանութիւն ըստ ամենից իւրոց մասանց, այսինքն, յաղաց մարմնոյ, յաղաց աշխարհի, և երկնի, յաղաց ծննդեան, և ապականութեան, յաղաց տարերաց, յաղաց անկատար խառնեցելոց, յաղաց կատարեալ խառնեցելոց, յաղաց տնկոց, յաղաց կենդանեաց, յաղաց մարդոյ, բժշկականութիւն, բարոյականութիւն, և քաղաքականութիւն: մաթեմաթիքա, ըստ ամենից իւրոց մասանց, այսինքն, թուարանութիւն, երկրաչափութիւն, աստղաբաշխութիւն, երաժշտութիւն, ընդհայեցողութիւն, և կըտորդարանութիւն, և մեթափիսիքայն» (ընդգծումը՝ Ն. Ք.): Աշխատությունը երկհատոր է՝ յուրաքանչյուրը մոտ 700 էջ: Հարկ է նշել, որ այս երկը հայկական մտքի պատմության մեջ ամենափառահեղ գործերից մեկն է և Գրիգոր Տաթևացուց հետո այդ ժամանակաշրջանի հայ կաթոլիկական ավանդություն առաջին հանրագիտական բնույթի աշխատությունը, որտեղ Խաչատորը Էրզրումեցին ներկայացնում և հայ իրականություն էր ներմուծում -նոր գաղափարներ: Աշխատության մասին Լեռն նշում է. «Ասել է՝ գիտությունների մի ամբողջ ժողովածու, մի ամբողջ հանրագիտակ, որի վրա հայ ընթերցողը պիտի խելամուտ լիներ...» (ընդգծումը՝ Ն. Ք.): Վարդապետն իր աշխատության սկզբնամա-

⁵Տե՛ս նոոյն տեղում, էջ150:

⁶Տե՛ս Համառօտական իմաստասիրութիւն, Վենետիկ, 1711, հ. 1, էջ 1:

⁷Տե՛ս Լեռ, Երկերի ժողովածու, Երևան, 1973, հ. 3, գ. 2, էջ 479:

սում ներկայացնում է արվեստի մասին իր գաղափարը՝ ասելով, որ այն բաժանվում է երկու մասի՝ ծառայականի և ազատականի: Ծառայականի մեջ նա նշում է հողագործությունը, զինվորությունը, խոհարարականը, ճարտարապետականը, նախավարականը, վաճառականությունը և այլն: Ազատականի մեջ՝ բանաստեղծությունը, թվաբանությունը, երկրաշափությունը, երաժշտությունը, քժկությունը, հոեսորությունը, քերականությունը, բարոյականությունը, քաղաքականությունը և այլն: Նա գրում է, որ «ազատական» արվեստն օգնում է հասարակությանը. «Օգնեն հասարակի բարոյ: Զի ի թիկունս հասանեն հասարակութենէ: Արվեստի բացատրությունից եետո նա ավելի մանրամասն է ներկայացնում վերորպարկյալ արվեստները:

Գնահատելով Խ. Էրգրումեցոյ ժառանգությունը՝ մենք կարևոր ենք համարում նշել, որ նա իր ժամանակի հայ մշակույթի պատմությունում այն հանրագիտակ հեղինակն էր, որի «Համառոտական իմաստասիրութիւն» աշխատությունն իրենում ներառել էր իր ժամանակի բանական արվեստների ու գիտությունների բազում բնագավառներ սկսած պոետիկայից մինչև բնական գիտություններ: Հատկանշական է, որ 1713թ. տպագրվում է Խ. Էրգրումեցոյ «Ճարտասանութիւն» խորագրով աշխատությունը, որի մեջ հեղինակը սահմանում է, թե ինչ է հոեսորական արվեստը. «Հոեսորութիւն, որ և ճարտասանութիւն, ճոխարանութիւն, փաստաբանութիւն, ճարտարախտութիւն, ճոռութիւն, ճարտարութիւն, և ատենաբանութիւն ասի, սապես սահմանի ի հոեսորաց, արհեստ բարոյ ասելոյ: Այսինքն, և՝ մին ազատական արհեստ, որ ուսուցանէ մեզ զբարոյ ասելն: Արդ բարոյ ասելն ոչ այլ ինչ է եթէ ոչ զարդարել զբանս, և զծառս իւր, զեղեցկախօսութեամբ. և զեղեցիկ պատճառանօր: Ուստի նա՝ և ասելի ճարտասան, և հոեսոր, որ զեղեցկայարմար, և բանականապէս խօսի» (ընդգծումը՝ Ն. Ք. Բ.: Այնուհետև, Վենետիկում լույս են տեսնում նրա աստվածաբանական աշխատությունները «Լիակատար Աստուածաբանութիւն» երկի 1-ին հատորը 1729թ., իսկ երկրորդը՝ 1734թ.: Այստեղ պետք է նշենք, որ դեռևս 1709թ. վարդապէտը տպագրել էր «Համառոտութիւն Բարոյականի աստուածաբանութեան» աշխատությունը, որը հանդիսանում է «Լիակատար Աստուածաբանութեան» նախնական տարբերակը: Հետագայում Խ. Էրգրումեցին շարունակում է իր աշխատանքները և 1733թ. Վենետի-

⁸Տե՛ս և Խաչատոր Էրգրումեցի, ճարտասանութիւն, Վենետիկ, 1713, էջ 4:

կում տպագրում «Ներածումն առ քրիստոնէական կատարելութիւն» և 1736թ. «Կարձառուազունեղ Համառութիւն Ընդհանրականի Աստուածաբանութեան» երկերը: Այս երկու աշխատությունները Էրգրումեցին գրել է լատիներեն, և դեռ իր կյանքի օրոք դրանք թարգմանվել են հայերեն Մարիամ Քարաքաջանի կողմից: Վերջինիս մասին հայտնի է միայն, որ ծնվել է Կոստանդնուպոլսում, ապրել է Վենետիկում և, ինչպես ինքն է նշում, միանձնուիի է եղել կուսանոցում: Հատկանշական է, որ հայ գրականության պատմության մեջ՝ մինչ Մարիամ Քարաքաջանը, հայտնի են եղել միայն երկու կին, որոնք ստեղծագործել են 8-րդ դարում և մեզ նույնիսկ նրանց անունները հայտնի չեն⁹:

Խ. Էրգրումեցին մահացել է 1740թ. Վենետիկում՝ 74 տարեկան հասակում մեզ բողնելով բազմարուկանդակ և ուսուցողական բնույթի աշխատություններ: Էրգրումեցին աշխատություններ է գրել նաև բանաստեղծական շափածո ոճով: Վարդապետը գտնում էր, որ բանաստեղծության առարկա կարող են դառնալ և՝ ֆիզիկան, և՝ կենդանաբանությունը, և՝ մաթեմատիկան, և՝ բոլոր այլ գիտությունները, և՝ աստվածաբանությունը, և՝ իմաստասիրությունը իր ամենայն մասերով՝ տեսական ու գրծնական, որում նաև հասարակականը: Այդ առիթով Լեռն գրում է: «Դուզիայի կոչումն ու ներգործությունը նա կապում է բարոյական խնդիրների հետ՝ ասելով, որ արվեստի նպատակն է նպաստել հասարակության առաջնօրքացին, ծառայել բարոյական դաստիարակության խնդիրներին: Արդարացնելու համար այս տեսությունը նա գրում է իր աշխատությունները ուսանակորի ձեռով: Դա բավականին դժվար աշխատանք էր, սակայն մենք կարող ենք ասել, որ դա նրան հաջողվել է (ընդգծումը՝ Ն. Ք.)¹⁰:

Նկատի ունենալով Էրգրումեցու պոեզիայի գաղափարական առանձնահատկությունը, նրան համարում են հայ կլասիցիզմի հիմնադիրներից մեկը: «Էրգրումեցիով է սկսվում հայ գեղագիտության կլասիցիստական շրջանը», - նշում է Թաղենոսյանը¹¹: Լինելով հայ կլասիցիզմի ռահվիրա, վարդապետը ազգային պետականության բացակայության պայմաններում ազգային ինքնության պահպանման համար քրիստոնեական ինքնությամբ, հոգևոր-մշակութային ու կրթական գոր-

⁹Տե՛ս և Լեռ, Երկերի ժողովածու, Եր., 1973, հ. 3, գ. 2, էջ 482:

¹⁰Նոյն տեղում, էջ 480:

¹¹Տե՛ս Թաղենոսյան Ս. Հ., Հայկակական կլասիցիզմի տեսությունը, ՀՍՍՀ ԳԱ հրատ., Եր., 1977, էջ 21:

ծունեությամբ հայ ժողովրդի դարեր շարունակ մղված պայքարի օրինակով, հայերեն լեզվի անցյալը մոռացված գրաբարի թերականությունը, դարձնելով ներկա իր ստեղծագործական լեզվագործունեության մեջ, ձգտել է բարոյական ինքնության ու առաքինի կյանքի, քրիստոնեական իմաստության բանական գաղափարներով ու հայրենասիրության ոգով դաստիարակել ժամանակակիցներին ու եետագա սերունդներին: Հանրագիտարանային իր երկերում Խաչատուր Էրզրումեցին անդրադարձել է մարդկային ու ազգային կյանքի հոգեւոր, բարոյական, կրթական, սոցիալական, քաղաքական բազմարովանդակ խնդիրներին, գիտական, իմաստախրական ու աստվածաբանական, ինչպես նաև թերականական, հուետորական արվեստների իր հայացքների չափածո շարադրանքով բացորոշելով աստվածային ու մարդկային, լեզվական ու մշակութային իրողությունների իսկությունը և մարդկային կենսակերպում քրիստոնեական իմաստության հոգեկենարար, պիտանավոր և հենց փրկարանական նշանակությունը:

ԱՍՓՈՓՈՒՄ

Հոդվածում ներկայացված է XVIII դ. կաթոլիկ հայ մեծանուն վարդապետի, հայ կլասիցիզմի նշանավոր ներկայացուցիչի՝ Խաչատուր Էրզրումեցու կյանքն ու ստեղծագործական գործունեությունը: Հենվելով անտիկ ու միջնադարյան փիլիսոփայության, իրեն ժամանակակից եվրոպական գիտության ձեռքբերումների վրա, նա ստեղծել է ունիվերսալ, հանրագիտարանային աշխատություններ աստվածաբանության, տեսական ու գործնական փիլիսոփայության, հայոց լեզվի քերականության վերաբերյալ: Նրա երկերում ներկայացված է էթիկայի, հասարակության սոցիալական ու քաղաքական կյանքի հետևողականորեն մշակված քրիստոնեական հայեցակարգ, որի բուն նպատակն է պետականությունից գրկված հայ ժողովրդի հոգեւոր ինքնագիտակցության ներկրությունն ու կատարելագործումը, քրիստոնեական կենսակերպի արմատավորումը, եվրոպական մշակութային արժեքներին հասանելի լինելու համար պայմանների ստեղծումը:

Բանակի բառեր-ստեղծագործություն, արվեստ, քարոզ, Վենետիկ, Կոստանդնուպոլիս, վարդապետ

ЖИЗНЬ И ТВОРЧЕСКАЯ ДЕЯТЕЛЬНОСТЬ ХАЧАТУРА
ЭРЗРУМЦИ

Нерсес Кочарян

Аспирант Армянского Государственного
Педагогического Университета им. Х. Абовяна
РЕЗЮМЕ

В статье представлены жизнь и творчество выдающегося армянского мыслителя католического вероисповедания XVIIIв., представителя классицизма-Хачатура Эрзрумetsи, который опираясь на достижения античной и средневековой философии, современной ему европейской науки, создал универсальные, энциклопедические труды по богословию, теоретической и практической философии, грамматики армянского языка. В его сочинениях представлена последовательно разработанная христианская концепция этики, социальной и политической жизни общества, целью которой является образование, смосовершенствование духовного самосознания лишенного государственности армянского народа, укоренение христианского образа жизни, создание условий доступности европейских культурных ценностей.

Ключевые слова: сочинение, искусство, пропаведь, Венеция, Константинополис, вардапет (учитель).

THE LIFE AND WORK OF KHACHATUR ERZRUMETSI

Nerses Kocharyan

*Phd student of Armenian State Pedagogical
University after Kh. Abovyan*

SUMMARY

This article represents the life and works of the prominent Armenian catholic thinker of the XVIII century, distinguished founder of Armenian classicism Khachatur Erzrumetsi. On the basis of philosophy of Antiquity and Middle Ages and the European science of his time, he created universal encyclopedic works in theology, theoretical and practical philosophy and Armenian grammar. In his works the systematic Christian ethical teaching is presented as well as the conception of the social and political life of the society the goal of which was the education and self-development spiritual self-consciousness of the Armenian nation deprived of its statehood, enrooting of the Christian life-mode, providing conditions for adopting European cultural values.

Key words: essay, art, sermon, Venice, Constantinople, vardapet (teacher, Archimadrit).